



Knud Kleemann
Atassut

UKA 2025/171_172
16. oktober 2025

Imm. 171

Meeqqat 18-inik ukioqalernissami tungaanut pisortat ingerlataannik angalatitsiviit aqutigalugit angalasussaaitillutik meeqqatut akeqalernissaat, aningaasatigut qanoq naleqassanersoq Naalackersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allangortinnissaannik tunngaviliissaaq, kingusinnerpaammilu UPA2026-mi inatsisartunut saqqummiunneqassalluni.

(Inatsisartunut ilaasortaq Jens NapätôK, Naleraq)

Imm. 172

Soraarninngornikut pisortat ingerlataannik angalatitsiviit aqutigalugit akikinnerusumik angalasinnaanerat ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalerpata, soraarnerussutisiaqartut akikinnerusumik angalasarnerannut malittarisassat allangortinnissaat siunertaralugu, qanoq naleqassanersoq Naalackersuisut misissuinissaannik Inatsisartut aalajangiiffigisassatut siunnersuut. Misissuineq kingusinnerpaamik UPA2026-mi inatsisartunut saqqummiunneqassaaq.

(Inatsisartunut ilaasortaq Jens NapätôK, Naleraq)

Nunatsinni angallanneq ilumut kipiluttunarpoq. Tassa siulitta nunagissallugu toqqarnikuusaat. Uagullu suli nunagerusullugu sukataarutigisarput. Qujanartumillu ullumikkut kiffaanngissuseqarpugut toqqassallugu sumi najugaqassanerluta, nalunagu atugassat suunersut.

Meeqqalli toqqagarinngilaat kikkut angajoqqaarissanerlugit, sumilu peroriartussanerlutik. Taamaamat meeqqat allatuulli angalasinnaanissaannik oqilisaaqataanissamat siunnerfimmuut Atassummiit tapersersuinerput nalunaarutigissavarput.

Angallannikkullu billetisiniarnermi inuusuttuaqqat angalaqatigissatillugit akikinnerusumik billetisiniunnissaat suli eqaappallaarmat Atassummiit kaammattuutigiinnarsinnaavarput angalatitsiviit tamanna eqqumaffigisagaat, naak toqqaannartumik tamaangaanniit allangortinnissaannigikkaluarlutigu.



Minnerunngitsumillu aamma isumaqataavugut utoqqaat akissaatimikkut ulluinnarni unammilligaareeqisut aamma angallannikkut artorsarmata. Atassummiillu takorusupparput nalunaarusiornermi pisariaqartitsineq qanoq annertutiginersoq, qanorlu aningaasartuutaatigissanersoq. Tamannalu toqqammavigalugu siunnersuutit marluusut tapersernartillugit ataatsimiititaliamut innersuupparput.